

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में जगमोहन शर्मा ।

Headlines

- 1 कश्मीर घाटी दे बडगाम जिले च आतंकवादिएं दऊं गैर मकामिं गी गोली मारियै जख्मी करी दित्ता ऐ। हमलावरें दी तपाश जारी ऐ।
- 2 सरकारै 2022-23 ब'रें दे प्रतिष्ठित राष्ट्रीय युवा पुरस्कारें लेई आवेदन मंगी भेजे न।
- 3 इस ब'रें अक्टूबर महीने रिकार्ड 1 लख 87 ज्हार करोड़ रुपे जीएसटी किट्टा कीता गेआ ऐ।
- 4 मुल्खै दे बाकी हिस्से आला लेखा जम्मू च बी अज्ज विश्वकर्मा दिवस मनाया जा'रदा ऐ।
- 5 हाइलो ओपन बैडमिंटन टूर्नामेंट च भारत दे आयुष शेड्डी ते मालविका बंसोड सैमीफाइनल च पुज्जी गे न।

<><><><><><>

Budgam

आतंकवादिएं शुक्रवारें संजा बडगाम च उत्तर प्रदेश दे रौहने आले 2 गैर मकामी लोकें पर गोलियां चलाइयां। एह दौनें बडगाम च जल जीवन परियोजना पर कम्म करदे हे ते हुन उंदी स्थिति स्थिर दस्सी जा'रदी ऐ। एएनजैड नै दस्सेआ ऐ जे एह घटना उसलै पेश आई जिसलै इनें दौनें जने पर माजहामा च संदिग्ध आतंकवादिएं गोलियां चलाइयां। इक ध्याड़ीदार गी बांह पर गोली लग्गी ते दुए दी लत्ते गी गोली नै नशाना बनाया। हुन दौनें दी स्थिति खतरे थमां बाहर ऐ। इस हमले दे तुरत परैत सुरक्षाबलें क्षेत्र दी घेराबंदी करियै हमलावरें दी तपाशी अभियान शुरू करी दित्ता। गगनगीर गांदरबल च 23 अक्टूबर गी होए दे आतंकी हमले, जेह्दे च 1 मकामी डाक्टर ते 6 मजदूर मारे गे हे, दे बाद एह आतंकवादिएं तरफा कीता गेदा त्रीया हमला ऐ। दूआ हमला बारामुला दे गुलमर्ग क्षेत्र च होआ हा जेह्दे च 2 सेना दे पिट्टू ते 3 सैनिक मारे गे हे।

<><><><><><>

Youth Awards

युवा मामलें ते खेड्डें सरबंधी मैहकमे दे केन्द्री मंत्री डॉ मनसुख मांडविया होरें युवाएं दा आह्वान कीता ऐ जे ओह बड़ी मती प्रतिष्ठा आहले राष्ट्री युवा पुरस्कार 2022-23 लेई आवेदन करन। एह पुरस्कार 15 थमां 29 ब'रें दी उम्री दे लोकें ते संगठनें गी विकास ते समाज सेवा दे बक्ख-बक्ख खेत्तरें च शानदार कम्म ते जोगदान लेई दित्ते जंदे न। इनें खेत्तरें च सेहत, मनुक्खी अधिकारें गी प्रोत्साहन, सक्रिय नागरिकता ते समुदायिक सेवा शामिल न। पुरस्कार दे रूप च जेतू गी तगमा, प्रमाण-पत्तर ते इक लख रुपे नगद ते संगठन दे मामले च 3 लख रुपे नगद दित्ते जंदे न। इक वीडियो संदेश च डॉ मांडविया होरें आखेआ जे एह पुरस्कार प्रगतिशील ते समावेशी भारत गी मजबूत बनाने च युवा नेतृत्व दा सम्मान न। 2022-23 दे राष्ट्री युवा पुरस्कारें लेई आवेदन गृह मंत्रालय दे पुरस्कार पोर्टल राहें सद्दे गे न। अज्जै थमां इस महीने दी 15 तरीक तगर आवेदन कीता जाई सकदा ऐ।

<><><><><><>

Tribal Minister

जल शक्ति, जंगलात, पर्यावरण ते जनजातीय मामले दे मंत्री जावेद अहमद राणा होरें जोर देइयै आखेआ ऐ जे उमर अब्दुल्ला हुंदी अगुवाई आली सरकार जम्मू कश्मीर च जलजातीय समुदाय दे आर्थिक ते शिक्षा सरबंधी हितें दा चेचा ध्यान रखदे होई उंदे बाद्धे विकास लेई पूरी दृढ़ संकल्प ऐ। सांबा थमां उनेंगी मिलने आए दे शिष्टमंडल कन्नै गल्लबात करदे होई मंत्री होरें आखेआ जे जिमिएं ते जंगलें सरबंधी जनजातीयें दे अधिकारें दा पूरा सम्मान कीता जाग ते इंदे समाजी ते सांस्कृतिक संस्थानें गी बिजन छेड़े दे उंदे पूरे पराते विकास गी जकीनी बनाया जाग। गुज्जर समुदाय दे इस प्रतिनिधिमंडल दे इलावा जम्मू प्रांतै च नमें तरक्की पाए दे मास्टरें दा इक शिष्टमंडल बी कल मंत्री होरें गी मिलेया ते अपने किश मुद्दे उंदे अग्गे रखे जिंदे च उंदी तरक्की दे बाद एडजेस्टमेंट च लगा'रदी देरी दा मुद्दा बी शामिल हा।

<><><><><><>

GST Collection

चीजें ते सेवा टैक्स जीएसटी अक्टूबर म्हीने च 9 फीसदी बधेआ ते राजस्व 1 लक्ख 81 ज्हार करोड़ रपे कोला मता किट्ठा कीता गेआ। जीएसटी दे राजस्व संग्रह च एह दुआ रिकार्ड सब्बने शा मता बाद्धा ऐ। घरेलू बिक्री ते बेहतर ढंगै कन्नै पालमा दे कारण गै बाद्धा दर्ज कीता गेआ ऐ। अक्टूबर म्हीने च केन्द्री जीएसटी दे रूपै च 33 ज्हार 8 सौ 21 करोड़ रपे, राज्य जीएसटी दे रूपै च 91 ज्हार 8 सौ 64 करोड़ रपे ते किट्ठा जीएसटी 99 ज्हार 1 सौ 11 करोड़ ते उपकर 12 ज्हार 5 सौ 50 करोड़ रपे किट्ठा होआ। कुल सकल जीएसटी राजस्व संग्रह 8.9 प्रतिशत थमां बधियै 1 लक्ख 87 ज्हार 346 करोड़ रपे होई गेआ ऐ। पिछले ब'रे इस्सै म्हीने च जीएसटी संग्रह 1 लक्ख 72 ज्हार करोड़ रपे हा। इस ब'रे अप्रैल च 2 लक्ख 10 ज्हार करोड़ रपे किट्ठे होए न। रिकार्ड जीएसटी संग्रह मजबूत भारती अर्थबवस्था गी दस्सदा ऐ। विशेषज्ञें दा गलाना ऐ जे जीएसटी संग्रह च बाद्धा ध्यारें दे मौसम च बिक्री ते बेहतर पालमा दे कारण होआ ऐ।

<><><><><><>

EPFO

कर्मचारी भविष्य निधि संगठन इपीएफओ जम्मू नै कल जम्मू कश्मीर ते लददाख च अपनियां सेवा देने दे 5 ब'रे पूरे करी लैते न। इस्सै दरान संगठन नै अपने 72में स्थापना दिवस दे मौके पर अपनी अधिकारिएं गी बी सम्मानत कीता। संगठन दे क्षेत्रीय आयुक्त रिजवान-उद-दीन होरें कल जम्मू स्थित संगठन दे दफतर दा कम्मै काजै दी समीक्षा कीती ते कर्मचारिएं दे कम्म करने दे तरीके ते निष्ठा दी सराहना कीती। इस मौके जानकारी दित्ती गई जे अप्रैल 2024 कोला लेइयै सितम्बर 2024 मामले गी खारज करने दा अनुपात पिछले ब'रे दी 17 प्रतिशत कोला घटियै 15 प्रतिशत होई गेआ ऐ जेह्दा जे राश्ट्रीय सतह पर बी सब्बने शा घट्ट ऐ। उनें दस्सेआ जे 2024 च अजें तोड़ी ईपीएफओ कन्नै जुड़ने आले दी गिनतरी च 21 प्रतिशत दा बाद्धा दर्ज कीता गेआ ऐ ते एह गिनतरी पिछले ब'रे दी 4 लक्ख 4 ज्हार 860 कोला बधियै 5 लक्ख 98 ज्हार 174 होई गई ऐ।

<><><><><><>

Camp

एडीसी जम्मू अनसुया जम्वाल हुंदी अध्यक्षता च जिला प्रशासन दे इक दल नै राहत विभाग दे अधिकारिएं कन्नै कल पुरखु माइग्रेट कैप दा दौरा लाया जित्थें हाल च गै अग्ग लगने करी 12 फ्लैटें गी नुक्सान पुज्जा ऐ, जिंदे च कश्मीरी पंडित परोआर रौहंदे हे। इस मौके प्रभावत परोआरें कन्नै गल्लबात करियै उंदा हाल पुच्छेआ गेआ ते देयाली दा ध्यार मनाने च परोआरें दी मदद बी कीती गई।

<><><><><><>

ISRO Ladakh

भारतीय अंतरिक्ष अनुसंधान संगठन इसरो नै कल भारत दे पैहले अनालॉग स्पेस मिशन दी शुरूआत दी घोशणा कीती। लददाख केन्द्र शासत प्रदेश दे लेह च शुरू कीता गेदा एह मिशन भारत दा पैहला अनालॉग स्पेस मिशन ऐ। धरती पर गै अंतरिक्ष आंगर दा माहौल तैआर करियै

इतिहास रचने दी इस कामयाबी कन्नै गगनयान मिशन ते मंगल ग्रैह पर भेजने ते मुख्यै दा अपना अंतरिक्ष स्टेशन बनाने दे महत्वकांक्षी मिशन च बी मदद थहोग। इस अभियान गी आका स्पेस स्टूडियो लद्दाख युनिवर्सिटी ते आई.आई.टी बाम्बे कन्नै मिलियै विकसित कीता गेआ ऐ। इसरो नै अपने सोशल मीडिया प्लैटफार्म “एक्स” पर लिखेया ऐ ते भारत दा पैहला अनालॉग अंतरिक्ष मिशन लेह च शुरू होआ।

<><><><><><>

Health Minister

सेहत ते मैडिकल शिक्षा मंत्री सकीना मसूद होरें जम्मू कश्मीर दे सब्बने अस्पतालें ते सेहत इदारें च उपलब्ध सेहत सेवाएं च होर बेह्तरी आह्न्ने दे सरकार दे घेइयै गी फही पक्का कीता ऐ ते आखेआ जे सेहत क्षेत्र सरकार दिएं प्राथमिकताएं च शामिल ऐ। कल श्रीनगर दे श्री महाराजा हरि सिंह अस्पताल ते सुपर स्पैशिलिटी अस्पताल दे चानचक्क दौरे दरान सकीना होरें दौनें अस्पतालें दिएं बक्ख-बक्ख सैक्शनें दा दौरा कीता जिंदे च आईसीयू, इमरजेंसी, ओपीडी बगैरा शामिल न। एह्दे इलावा उनें इनें अस्पतालें च उपलब्ध सुविधाएं ते सेवाएं दा बी निरीक्षण कीता। मंत्री होरें आखेआ जे सरकार जम्मू कश्मीर च विश्व स्तर दी सेहत दा ढांचा ते सरिस्ता कायम करने लेई दृढ़ संकल्प ऐ।

<><><><><><>

Vishawkarma Day

विश्वकर्मा दिवस जिसी विश्वकर्मा जयंति जां विश्वकर्मा पूजा ध्याड़ा बी आखदे न, अज्ज जम्मू सनें पूरे देश च मनाया जा'रदा ऐ। एह् ध्याड़ा समूलचे ब्रह्माड च बेह्तरीन निर्माता मन्ने जाने आले भगवान विश्वकर्मा हुंदा जन्म दे रूपै च मनाया जा'रदा ऐ। एह् ध्यार हत्थें ते मशीने कन्नै कम्म करने आले कारीगिरें, दस्तकारें ते मजदूरें आस्तै महत्वपूर्ण हे ते इस मौके एह् सारे भगवान विश्वकर्मा हुंदी पूजा अर्चना करियै खुशहाली ते हुनर च इजाफे दा आशीर्वाद प्राप्त करदे न। लोक अपने कम्में आली थाहरें, दुकानें ते फैक्ट्रिएं च भगवान विश्वकर्मा हुंदी पूजा करदे न। अज्ज कम्म च इस्तेमाल होने आले ओजारें ते मशीनें दी पूजा बी कीती जंदी ऐ ते मते सारे लोक अज्जै दे ध्याड़े इनेंगी इस्तेमाल नेई करदे।

<><><><><><>

Rev Badminton Hylo Open

भारत दी मालविका बंसोड़ ते आयुष शेटी जर्मनी दे सारबुकन च खेड्डे जा करदे हाइलो ओपन बैडमिंटन टूर्नामेंट दे सेमीफाइनल च पुज्जी गे न। महिलाएं दे इक्कले-इक्कले मुकाबले दे क्वार्टर फाइनल च 6में नम्बरै दी खड्डारन मालविका बंसोड़ नै चौथे नम्बरै दी खड्डारन वियतनाम दी गुयेन थ्यू लिन्ह गी हराया। अज्ज सेमीफाइनल च उंदा मुकाबला डेनमार्क दी जूली डावल जैकबसेन कन्नै होग। उत्थे गै, मर्दे दे इक्कले-इक्कले वर्ग दे मुकाबले च भारत दे आयुष शेटी होरें फिनलैंड दे कैले कोलजोनेन गी हराया। फाइनल च अपनी थाहर पक्की करने लेई अज्ज आयुष दा मुकाबला फ्रांस दे क्रिस्टो पोपोव कन्नै होग।

<><><><><><>

India-NZ

मुंबई च न्यूजीलैंड कन्नै त्रीए ते खीरी क्रिकेट टेस्ट मैच दे दुए दिल भारत अज्ज अपनी पैहली पारी च 4 विकेटें पर 86 रनें दे अगगे खेडोग। कल खेड्ड खत्म होने तोड़ी शुभमन गिल 31 ते ऋषभ पंत 1 रंज बनाइयै क्रीज पर हे। एह्दे शा पैहले न्यूजीलैंड नै टॉस जित्तियै पैहले बल्लेबाजी करने दा फैसला लेता हा। न्यूजीलैंड दी पूरी टीम 235 रंजें पर आउट होइ गेई। रविन्द्र जडेजा नै 5 ते वाशिंगटन सुंदर ने 4 विकेटां लैतियां। न्यूजीलैंड त्रै टेस्ट मैचें दी श्रृंखला च 2-0 कन्नै अगगे ऐ।

<><><><><><>